

Powšitkowne WOZJEWJENJA

njedźelu, 24. februara 2019

Počesćenje Michała Hórnik

Składnostnje 125. posmjertnin kanonika Michała Hórnik chce Towarstwo Cyrila a Metoda z.t. (TCM) swojeho iniciatora počesćić. Wopomnjenske zarjadowanje TCM budže štwórtk, 7. měrca, we 18.30 hodž. we Worklečanskej kapałce zhromadnje z Chróšćanskej wosadu, Towarstwom kapałki Marije maćerje Božeje, a župu „Michał Hórnik“. Dalše spominanje přewjedže TCM pjatk, 8. měrca, dopołodnja ze Serbskej wyšej šulu „Michał Hórnik“ w jeje domje.

Spominanje na fararja Jakuba Žura

Składnostnje 50. posmjertnin fararja a redaktora Katolskeho Posoła Jakuba Žura pře-prošujetej Towarstwo Cyrila a Metoda z.t. a Ralbičanska wosada na wopomnjenske zarjadowanje. Tute budže pjatk, 1. měrca, w Ralbicach a zahaji so w cyrkwi z Božej mšu w 19 hodž. Kemšam přizamknje so spominanje na „Radlubinje“.

Zetkanje samostejacych

Samostejacy ze serbskich wosadow su na swoje přichodne zetkanje wutoru, 19. měrca, w 14 hodž. do Domu biskopa Bena w Smochćicach pře-prošeni. Zajimcy njech so prošu hač do pónđzele, 11. měrca, w redakciji Katolskeho Posoła přizjewja, telefonowe čisło (0 35 91) 55 02 12. Štóz chce wotewzaty być, njech to prošu zdžěli.

Hižo nětkole za pasionske hry klětu w Oberammergauwje so přizjewić

Na předstajenje pasiona w Oberammergauwje pře-prošuje Towarstwo Cyrila a Metoda z.t. (TCM) wěriwych z katolskich serbskich wosadow sobotu, 3. oktobra 2020. Wjetšinu zastupnych lisćikow su hižo rozpředali. TCM je tam 50 městnow rezerwowało, dyrbi pak je hižo nětkole zapłaćić. Bus wotjědže dzeń do předstajenja z Łužicy a so dzeń po nim wróci. Zajimcy měli so hač do pjatka, 22. měrca, w redakciji Katolskeho Posoła, telefonowe čisło (0 35 91) 55 02 10, přizjewić a hač do srjedy, 27. měrca, 200 eurow na konto towarstwa pola banki LIGA přepokazać: Cyrill-Methodius-Verein e.V., IBAN: DE 56 750 90 300 000 828 23 66. Bliše informacije dóstanu zajimcy, hdyž so přizjewja.

Wšědny dzeń w klóštrje dožiwić

Cistercienski klóštra Marijineje hwězdy w Pančicach-Kukowje pře-prošuja lětsa wjackróc na dny za młode žony, kotrež pytaja za duchownym powołanjom w rjadniskim žiwjenju. Jim skići so składnosć, wšědny dzeń w klóštrje kónc tydženja dožiwić. Tajkele dny poskićeja wot pjatka do njedzele, 1. do 3. měrca, 28. do 30. junija, 6. do 8. septembra a 13. do 15. decembra. Přizjewić měli so zajimče pola abatissy Gabriele Hesse, e-mailowa adresa aebtissin@marienstern.de abo z póstom na adresu Cistercienska abtownja Marijina hwězda, Čišinskeho 35, 01920 Pančicy-Kukow.

Putniska jězba do Ukrainy

Putniska jězba do ukrajskeho Lviva (pólsce Lwów, němsce Lemberg) wotměje so wot štwórtka do wutory, 8. do 13. awgusta, ze Šmitec jězbami w Radworju. Hłowne město zapadneje Ukrainy je ze swojimi stawiznami a kulturu wulce zajimawe. Wšako je w běhu swojich stawiznow přežiwiło pólske, rakuske, sowjetske a němske knjejstwo. Wobdžělimy so na přikład na Božej mši po grjekske-katolskim wobrdžě a wobhladamy sej katolsku uniwersitu. Dokładny program móža sej zajimcy pod www.posol.de wobhladać. Přizjewjenja su móžne pola Šmitec wozydłownistwa w Radworju, telefonowe číslo (03 59 35) 28 60.

T. Kubašec

Putnikowanja z busom a lětađłom

Tež lětsa přeprašuju zaso zajimcow na putniske jězby. Prěnja powjedže wot njedzele do njedzele, 23. do 30. junija, z busom do Toskany. Dalša putniska jězba z busom budže wot štwórtka, 3. oktobra, do wutory, 15. oktobra, do Lourdesa, Fatimy, Santiaga de Compostele a do Avile. Z lětađłom podamy so wot njedzele do njedzele, 8. do 15. septembra, na putnikowanje do Swjateho kraja. Nadrobniše informacije dóstanu zajimcy pod telefonowymaj čisłomaj (01 63) 7 33 82 05 abo (03 57 96) 9 54 28 (po 19 hodž.) abo pola mje w Hórkach, Sydlišćowu puć 2.

Maćij Hadank

Wobšěrnny wuměłstwowy projekt přewjedu wot popjelneje srjedy hač do swjatkow w Budyšinje ekumenisce

Swjaty křiž jako znamjo znamjenjow chce wuměłc Ludger Hinse ludžom zaso bóle zblížić. K tomu přewjedzetej katolska kaž tež ewangelska wosada swjateho Pětra w Budyšinje wot popjelneje srjedy, 6. měrca, hač do swjatownički, 9. junija, w sprjewinym měsće z nim wuměłstwowy projekt pod titlom „Swětło pozbudža“. Na 13 wažnych městnach – cyrkwinskih a sekularnych – budu swětłowe křiže a druhe wuměłstwowe wudźělki wustajene. K tomu přewjedže so rjad dalšich zarjadowanjow, mjez druhim přednoški a koncerty. Centralnje zahaji so projekt popjelnu srjedu, 6. měrca, we 18 hodž. z ekumeniskej Božej službu w Budyskej tachantskej cyrkwi z Drježdžansko-Mišnjanskim biskopom Heinrichom Timmereversom a ewangelskim krajnym biskopom dr. Carstenom Rentzingom. Nazajtra poskići so na samsnym městnje wot 9.30 do 11.30 hodž. wosebje za seniorow kaž tež wot 17.30 do 19.30 hodž. wodženje z wuměłcom Ludgerom Hinsu. Na tym dnju budžetej wot 14 do 15 hodž. a wot 15 do 16 hodž. džěłarničce k temje křiž za džěci w tachantskej cyrkwi. Tajke wotměja so tam tež pjatk, 8. měrca, a to wot 9.30 do 10.30 hodž., wot 10.30 do 11.30 hodž., wot 14 do 15 hodž. a wot 15 do 16 hodž. We 18 hodž. započnje so tam ekumeniske modlenje wo měr. Na tajke 15 mjeńšin trajace modlenje přeprašujetej wobě wosadze kóždy pjatk. Wot 19 do 20 hodž. powjedže Ludger Hinse zaso po wustajeńcy, tónkróć pak zahaji so wone w cyrkwi Našeje lubeje knjenje a skónči so w tachantskej cyrkwi. Ke wšěm wodženjam, ke kotrymž zdžěla bus zasadža, měli so zajimcy na Budyskej farje, Při Pětrowej cyrkwi 7, abo pod telefonowym čisłom (0 35 91) 3 11 80 přizjewić. Duchownu hudźbu dožiwja zajimcy sobotu, 9. měrca, w 17 hodž. w cyrkwi Našeje lubeje knjenje.

Póstne předowanje z wuměłcom Ludgerom Hinsu budže njedzeli, 10. měrca, w 15 hodž. w tachantskej cyrkwi. Tomu přizamknje so rozmołwa z nim. W Marije-Marćinej cyrkwi zaklinči tón džen we 18 hodž. Pasioniski nyšpor. Hudźbny nawod změje cyrkwinski hudźbny direktor Michael Vetter.

Dalše terminy k tutomu projektej Katolski Posol poněčim wozjewi. K tomu słuša rjad póstnych seminarow w Smochčanskim Domje biskopa Bena. Tón zahaji so tam pónđzeli, 11. měrca, w 19.30 hodž.